

The logo consists of the words "NAŠA STRANKA" in white, bold, uppercase letters on a red rectangular background.

Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb, Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući i sekretar

PREDMET: VIJEĆNIČKA INICIJATIVA

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku inicijativu za **proaktivno objavljivanje materijala za sjednice Općinskog vijeća na službenoj internet stranici Općine.**

O B R A Z L O Ž E N J E:

Javnost rada Općinskog vijeća Općine Velika Kladuša propisana je glavom XIII Statuta Općine i gl. XI Poslovnika Općinskog vijeća. Član 138. Statuta definiše da je Općinsko vijeće dužno upoznati javnost o obavljanju poslova iz svoga djelokruga i izvještavati je o svome radu i radu svojih radnih tijela preko sredstava javnog informisanja ili na drugi pogodan način, a član 160. Poslovnika da se „nacrti, odnosno prijedlozi odluka ili općih akata, kao i usvojeni akti Vijeća, mogu se u cijelosti objaviti u dnevnoj štampi ili kao posebne publikacije.“

Polazeći od ovih odredbi Statuta Općine i Poslovnika Općinskog vijeća, upućujem inicijativu da se materijali za sjednice Općinskog vijeća objavljuju proaktivno na službenoj stranici Općine, odnosno odmah nakon zasjedanja Kolegija vijeća i utvrđivanja dnevnog reda predstojeće sjednice vijeća. Na ovaj način bi se povećala transparentnost rada Općinskog vijeća, dok bi javnost dobila mogućnost da proaktivnije utječe na donošenje svih akata, kako je to definisano članom 137. Statuta Općine koji glasi: „Općina je dužna osigurati javnost rada svojih organa u postupku donošenja odluka te omogućiti građanima da neposredno učestvuju u postupku donošenja odluka i odlučivanju, u skladu sa zakonom i ovim Statutom.“

Ime i prezime: Amir Purić
Klub vijećnika_ca Naše stranke

Velika Kladuša, 18.02.2021.